



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-042-8/26**

Datum: **01.06.2026. godine**

«Agencija za vodno područje rijeke Save» Sarajevo rješavajući po zahtjevu Službe za urbanizam Grada Zenica za donošenje rješenja o prethodnoj vodnoj saglasnosti za aktivnost – izgradnja/polaganje dijela trase fekalnog kolektora na desnoj obali rijeke Bosne u naselju Nemila, grad Zenica a u postupku izdavanja urbanističke saglasnosti za izgradnju fekalne kanalizacije i vodovodne mreže u naselju Stara stanica MZ Nemila na traženje JP za prostorno planiranje i uređenje grada «Zenica» d.o.o. Zenica u ime Grada Zenica, na osnovu člana 109. stav (1) a u vezi sa članom 12. stav (1) tačka 1. i 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Gradu Zenica daje se prethodna vodna saglasnost za aktivnost - izgradnja/polaganje dijela trase fekalnog kolektora na desnoj obali rijeke Bosne u naselju Nemila na dijelu parcele označene kao k.č. broj: 666/2 K.O. Nemila (javno vodno dobro - rijeka Bosna) i dijelu parcele označene kao k.č. broj: 569 K.O. Nemila, grad Zenica (vodno dobro), a u postupku pribavljanja urbanističke saglasnosti za izgradnju fekalne kanalizacije i vodovodne mreže u naselju Stara stanica MZ Nemila.
2. Ova prethodna vodna saglasnost ne oslobađa podnosioca zahtjeva obaveze pribavljanja prethodne vodne saglasnosti za ispuštanje otpadnih voda predmetnog naselja u površinske vode, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona, odnosno nadležna općinska/gradska služba u skladu sa članom 139. stav (2) tačka 2. i stav (3) Zakona o vodama.
3. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 3.1. Da korisnik prethodne vodne saglasnosti osigura izradu tehničke dokumentacije na nivou potrebnom za pribavljanje potrebnih odobrenja, u skladu sa propisima koji važe za ovu vrstu radova. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
 - 3.2. Projektnom dokumentacijom dati tehničko rješenje polaganja fekalnog kolektora sa svim potrebnim proračunima i tehničkim opisom kao i situativni prikaz trase kolektora, tačan položaj kolektora i pripadajućih revizionih okana u odnosu na rijeku Bosnu, vodno dobro, liniju velikih voda ranga pojave jednom u sto godina i druge korisnike voda, ako egzistiraju u zoni izgradnje planiranog dijela kolektora.
 - 3.3. Kanalizacioni kolektor kao i objekti na trasi treba da budu projektovani kao vodonepropusni, kako bi se isključila mogućnost zagađenja podzemnih i površinskih voda te okoliša generalno.
 - 3.4. Projektnom dokumentacijom sagledati sve moguće neželjene uticaje, kako na planirane objekte kanalizacionog sistema tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
 - 3.5. Projektnom dokumentacijom definisati organizaciju i tehnologiju izvođenja radova na predmetnom lokalitetu uvažavajući postojeće stanje korita i obale, morfologiju terena, geološki sastav korita, sigurnosni aspekt i sl., te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Bosne kao i negativnih uticaja na druge korisnike voda (vodosnabdijevanje, ribari i sl.).
 - 3.6. Projektnom dokumentacijom definisati način privremenog pa sve do konačnog zbrinjavanja otpadnog i viška iskopanog materijala koji će nastati prilikom predmetnih radova na polaganju

cjevovoda na desnoj obali rijeke Bosne, vodeći računa da se isti ne smije odlagati na «vodno dobro» i u vodotok.

- 3.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
4. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima.
5. Po izradi investiciono-tehničke dokumentacije, u skladu sa uslovima iz tačke 3. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 6.1. Revidovana investiciono-tehnička dokumentacija urađena u skladu sa uslovima iz dispozitiva ovog rješenja,
 - 6.2. Rješenje o urbanističkoj saglasnosti,
 - 6.3. Dokaz o riješenim pitanjima imovinsko – pravnih odnosa na prostoru na kome će se izvoditi radovi,
 - 6.4. Dokaz o izvršenoj uplati upravne takse u iznosu od 60 KM.
7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
9. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Služba za urbanizam Grada Zenica podnijela je «Agenciji za vodno područje rijeke Save» Sarajevo dana 06.02.2026. godine zahtjev za donošenje rješenja o prethodnoj vodnoj saglasnosti za aktivnost – izgradnja/polaganje dijela trase fekalnog kolektora na desnoj obali rijeke Bosne u naselju Nemila, na dijelu parcele označene kao k.č. broj: 666/2, K.O. Nemila (javno vodno dobro - rijeka Bosna) i dijelu parcele označene kao k.č. broj: 569 K.O. Nemila, grad Zenica (vodno dobro), a u postupku izdavanja urbanističke saglasnosti za izgradnju fekalne kanalizacije i vodovodne mreže u naselju Stara stanica MZ Nemila na traženje JP za prostorno planiranje i uređenje grada «Zenica» d.o.o. Zenica, u ime Grada Zenica.

Uz zahtjev nije dostavljena dokumentacija koja je propisana članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-042-2/26 od 17.02.2026. godine zatraženo od podnosioca zahtjeva da istu dopuni što je i urađeno u ostavljenom roku.

Uz zahtjev je dostavljena i pregledana sljedeća dokumentacija:

- Ovjerena kopija Uvjerenja o poreznoj registraciji za Grad Zenica - gradonačelnik izdatog dana 08.12.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-38506/17 izdatog dana 27.02.2017. godine od strane Službe za statistiku za područje Zeničko-dobojskog kantona,
- Protokol Službe za urbanizam Grada Zenica sa priloženom Situacijom u mjerilu 1:1000,
- Mišljenje o usklađenosti planiranih aktivnosti sa prostorno-planskom dokumentacijom broj: 03-19-3877/26 od 04.03.2026. godine izdatog od strane Službe za urbanizam Grad Zenica (prilog – izvod Prostornog plana Grada Zenica za period 2016. – 2036. godina),
- Izvod iz posjedovnog lista broj 136 za parcelu označenu kao k.č. broj: 666/2 K.O. Nemila, grad Zenica izdat dana 05.03.2026. godine od strane Službe za imovinsko-pravne, geodetske poslove i katastar nekretnina Grada Zenica,

- Identifikacija parcele označene kao k.č. broj: 666/2 K.O. Nemila, grad Zenica, izdata dana 05.03.2026. godine od strane Službe za imovinsko-pravne, geodetske poslove i katastar nekretnina Grada Zenica,
- Kopija katastarskog plana broj: 04-26-10-2170/2026-6 izdata dana 05.03.2026. godine od strane Službe za imovinsko-pravne, geodetske poslove i katastar nekretnina Grada Zenica (za parcelu označenu kao k.č. broj: 666/2 K.O. Nemila, grad Zenica),
- Zemljišnoknjižni izvadak broj: 043-0-NAR-26-004914 ZK uložak broj: 1167 izdat dana 23.03.2026. godine od strane Zemljišnoknjižnog ureda - Općinski sud u Zenici (za parcelu označenu kao k.č. broj: 666/2 K.O. Nemila, grad Zenica),
- Izvod iz posjedovnog lista broj 728 za parcelu označenu kao k.č. broj: 569 K.O. Nemila, grad Zenica izdat dana 19.05.2026. godine od strane Službe za imovinsko-pravne, geodetske poslove i katastar nekretnina Grada Zenica,
- Identifikacija parcele označene kao k.č. broj: 569 K.O. Nemila, grad Zenica, izdata dana 19.05.2026. godine od strane Službe za imovinsko-pravne, geodetske poslove i katastar nekretnina Grada Zenica,
- Kopija katastarskog plana broj: 04-26-10-4819/2026-6 izdata dana 19.05.2026. godine od strane Službe za imovinsko-pravne, geodetske poslove i katastar nekretnina Grada Zenica (za parcelu označenu kao k.č. broj: 569 K.O. Nemila, grad Zenica),
- Zemljišnoknjižni izvadak broj: 043-0-NAR-26-008823 ZK uložak broj: 448 izdat dana 29.05.2026. godine od strane Zemljišnoknjižnog ureda - Općinski sud u Zenici (za parcelu označenu kao k.č. broj: 569 K.O. Nemila, grad Zenica),
- Glavni projekat «Fekalna kanalizacija i vodovodna mreža u naselju Stara Nemila u MZ Nemila, grad Zenica» urađen od strane «IBIS» d.o.o. Zavidovići (broj: 04-IB-G/25, januar 2025. godine),
- Glavni projekat «Fekalna kanalizacija i vodovodna mreža u naselju Stara Nemila u MZ Nemila, grad Zenica – rezervoar V=50 m³» urađen od strane «IBIS» d.o.o. Zavidovići (broj: 04-IB-G/25, januar 2025. godine),
- Izvještaj o izvršenoj tehničkoj kontroli – reviziji projektne dokumentacije urađen od strane «TEAM HIDRO» d.o.o. Sarajevo (broj: 23-04-02/2025, april 2025. godine),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 09.03.2026. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 10.03.2026. godine u dnevnom listu «OSLOBOĐENJE». U ostavljenim rokovima nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je sljedeće:

Predmetna aktivnost obrađena je projektnom dokumentacijom: Glavni projekat «Fekalna kanalizacija i vodovodna mreža u naselju Stara Nemila u MZ Nemila, grad Zenica» urađen od strane «IBIS» d.o.o. Zavidovići, januar 2025. godine.

Projektnom dokumentacijom predviđena je izgradnja nove kanalizacione i vodovodne mreže u naselju Stara Stanica, MZ Nemila. Obzirom da je postojećom kanalizacionom mrežom dužine oko 250 m obuhvaćen mali broj domaćinstava sa ispuštanjem otpadnih voda u rijeku Bosnu bez prethodnog tretmana, planirana je izgradnja nove kanalizacione mreže sa tretmanom otpadnih voda prije ispusta. Mrežu čine kolektori ukupne dužine 700 m sa 23 reviziona okna do lokacije za izgradnju postrojenja. Na ovaj sistem biće priključeno oko 50 domaćinstava.

Prečišćene vode će se nakon tretmana u biološkom uređaju (SBR 200 – planiran na parceli označenoj kao k.č. broj: 549/2 K.O. Nemila), putem PP korugovanog cjevovoda DN/ID 250 mm položenog ispod magistralne ceste M17 (sistemom podbušivanja) a potom preko parcele označene kao k.č. broj: 569 K.O. Nemila (djelimično u vodnom dobru), ispuštati u rijeku Bosnu preko izlazne građevine predviđene na parceli označenoj kao k.č. broj: 666/2 K.O. Nemila, grad Zenica (javno vodno dobro-rijeka Bosna).

Projektnim rješenjem nije planirano ukrštanje kolektora sa vodotokom I kategorije niti je planirano polaganje istih u vodnom dobru vodotoka I kategorije izuzev dijela kolektora DN 250 mm od okna RO₁ do vodotoka (do ispusne građevine).

Ispuštanje otpadnih voda u površinske vode za naselja koja imaju manje od 2000 stanovnika, u skladu sa članom 139. stav (2) tačka 2. Zakona o vodama i članom 17. stav (2) tačka 2. Pravilnika o sadržaju, obliku, uslovima, načinu izdavanja i čuvanja vodnih akata je u nadležnosti Kantonalnog ministarstva nadležnog za vode.

Nakon uvida u dostavljenu dokumentaciju te na osnovu utvrđenog činjeničnog stanja, utvrđeno je da, shodno članu 12. stav (1) tačke 1. i 6. i stav (2) Zakona o vodama a u vezi sa članom 16. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju/polaganje dijela fekalnog kolektora na desnoj obali rijeke Bosne u naselju Nemila na dijelu parcela označenih kao k.č. broj: 666/2 i 569 K.O. Nemila, grad Zenica pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5., članom 10. stav (3) i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata.

Uplaćeni su posebni troškovi prema Zaključku ove Agencije broj: UP-1/21-1-40-042-5/26 od 06.04.2026. godine.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata

Nihad Pežo, dipl.inž.građ.

Dostaviti:

- Grad Zenica, Služba za urbanizam
Trg BiH br 6, 72000 Zenica
- JP za prostorno planiranje i uređenje grada «ZENICA» d.o.o. Zenica
ul. Mehmedalije Tarabara br 15, 72000 Zenica
- Ⓞ AVP Sava, ISV-vodna knjiga
 - Sektor 40 - arhiva
 - Oglasna ploča - AVP Sava